

畿輔通志

19

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

JUN 26 1982

7
CHL3128/82

畿輔通志卷之四十九

祠祀 寺觀附

哈佛大學哈佛葉宗
圖書館珍藏印

古者天子祀天地社稷山川百神諸侯祀社稷境
內山川及因國之無主後者百辟卿士之有益於
民者列於雩祀有道有德者祭於瞽宗五祀社蜡
通乎庶民蓋功德在人則祀之而周官大宗伯頒
祀於邦國都家鄉邑王畿之內都宗人家宗人掌
令禱祠既祭復命則鄉遂公邑之典祀皆命於天
子可知矣自漢唐及前明有司所掌秩祀惟社稷
及風雲雷雨山川分祭於二壇鄉先生及循吏春

通車通元
卷之四十一
秋從祀於學宮忠孝節義之祠或歲時致禮其他
羣神羣祀則士民各因事禱祠而不領於有司我
皇上稽古典禮特建風雲雷雨龍神諸祠及
王祠賢良祠於

京師且

詔直省郡州縣各立先農壇每歲孟春守土之吏大小
畢至率薦紳耆老共行耕藉之禮凡吏於土者皆
宜震動恪恭於祀事以稱

聖天子懷柔百神阜康衆庶兆民之至意而况畿甸之
中觀感尤切者乎謹譜禮官命祀以及衆所建置

前哲明神之祠以示有其舉之而莫敢廢焉至於
浮圖老子之宮崇閎廣麗歷有年所者則古蹟具
存亦人民所萃聚不可以勿籍也乃附記於後焉

順天府

社稷壇

位向詳
京師卷

各州邑
祀同

風雲雷雨山川壇

位向詳
京師卷

各州邑
祀同

按漢唐宋風雷雨皆各立壇以祭均未及雲明
洪武二年詔風雲雷雨合爲一壇六年風雲雷
雨山川共爲一壇八年又以城隍合祭於壇

本朝康熙五十四年

勅建風伯雨師二廟雍正六年各立廟以祭

先農壇 位向詳 各州邑俱
京師卷 在東郊

雍正四年八月奉

勅直省舉行耕藉禮各該地方設立

先農壇自雍正五年為始每歲仲春亥日府尹督

撫及府州縣衛所等官率所屬及鄉耆老農詣

壇虔祀各官次第扶犁老農終畝所以豐登大

有歲歲頻書

郡厲壇 在各州邑北郊清明中元下元日祭又

里社壇在各村社祀土穀之神鄉厲壇亦在各

村社二壇俱鄉父老祀

都城隍廟 位向詳 京師卷 清明中元下元專祭春秋祭風

雲雷雨壇請神位復合祭二次 各州邑 祀同

關帝廟 位向詳 京師卷 春秋仲月戌日二祭五月十三日

一祭 各州邑 祀同

旗纛廟 位向詳 京師卷 霜降日祭各州邑廟多廢同日於

演武場迎祀

火神廟 位向詳 京師卷 春秋仲月上旬戌日祭 各州邑 祀同

龍王廟 位向詳 京師卷 各州邑 祀同

馬神廟 在府治西北春秋仲月上旬戌日祭 各州

同 邑祀

都土地廟 在府治西北春秋仲月上旬戊日祭

各州邑 祀同

八蜡祠 在府治東北春秋仲月上旬戊日祭 各州

同 邑祀

文昌祠 在府學內春秋仲月丁日祭 各州邑 祀同

魁星閣 在府學內春秋仲月丁日祭 各州邑 祀同

劉猛將軍祠 在府治春秋仲月戊日祭 各州邑 祀同

按降靈錄載神名承忠吳川人元末授指揮弱

冠臨六兵不血刃盜皆鼠竄適江淮千里飛蝗

遍野揮劍追逐須臾蝗飛境外後因鼎革自沈於河有司奏請遂授猛將軍之號

本朝雍正二年奉

勅建廟

藥王廟 在府治南明武清侯李誠銘建

本朝雍正二年

勅發帑金重修

東嶽廟 位向詳京師卷

南嶽廟 在文安縣郭里村

張大明王廟 在薊州治東北卽預備倉舊址廟

祀河神康熙三十四年知州張朝琮建

張相公廟 一在通州境內舊志神本越人爲水

神明萬歷間有越人經商於此獲神祐爲廟祀

焉昌平州城內亦有張相公廟禋祀最盛

河神廟 盧溝河至永清宋家莊康熙三十七年

五月河工告成

聖祖賜名永定河建河神廟

御製碑文以紀之一在武清縣西郭外

金龍廟 一在霸州內奉雍正十年

御賜功軍普潤四字匾額一在彩木營一在高橋村

昭惠靈公廟 在涿州一在城東南隅一在東門

月城內

天妃祠 在霸州苑家口一在寶坻一在新河一

在盧臺

平浪王廟 在涿州北郭祀宋蕭伯軒

詳冀州

蟲王廟 在涿州東郭

名宦祠

鄉賢祠 在文廟戟門左右春秋仲月丁日祭

各州

邑祠同

忠孝祠

節義祠 二祠俱春秋仲月戊日祭 各州邑祀同

雍正二年遵

旨議准順天府直隸各省府州縣衛分別男女每處各

建二祠一為忠義孝弟之祠建於學宮內祠門

內立石碑一通將前後忠義孝弟之人刊刻姓

氏於上已故者設位於祠中一為節孝之祠另

擇地營建祠門外建大坊一座將前後節孝婦

女標題姓氏於上已故者設位於祠中每年春

秋二次致祭

三皇廟 在府治南

軒轅黃帝廟 在平谷縣北漁子山上

虞帝廟 〔天府廣記〕幽州古有虞帝廟唐德宗貞

元十二年八月重修韋稔撰頌顏頽楷書其碑

至元時尚在傳為顏真卿書謂之復廟碑元人

秋澗王暉有大都復虞帝碑記

周尚父廟 在大城縣北四十里子牙鎮舊有碑

亭

鄒衍廟 在懷柔縣東十里黍谷山上

霍原祠 在良鄉縣後魏盧道將為燕郡太守表

樂毅及原墓為之立祠

漢漁陽太守廟 在薊州治西北祀張堪

昭烈帝廟 在涿州樓桑村唐乾寧四年建

張桓侯廟 涿州二一在侯故里一在桑園

唐衛公菴 舊名李靖菴在薊州盤山建置未詳

明崇禎中重修

本朝康熙十七年

聖祖御題樂天真三字懸殿中央菴西有舞劍臺卽靖舞

劍處

唐崔府君祠 在平谷縣東北橋頭營祀崔珏

唐狄梁公祠 在昌平州有臺曰景梁臺土人立

以思狄梁公也梁公祠建於唐碑猶在元大德
明正統俱重修其碑文有云梁公令昌平時有
爲虎所噬者其母訴之公爲文籲神翌日虎伏
堦下公肆告於衆而殺之去官後土人思之立
祠祀焉祠外立二石幢鐫梵語書法類李北海
唐貞觀中幢也

唐劉司戶祠 在昌平州城西南五里一在舊州
後又移於學宮內祀劉蕡志稱蕡墓蕡宅在昌
平今其址俱不可尋崇禎五年劉京兆榮嗣謀
於董宗伯其昌爲撰碑手書之以風策士宗伯

日黃已追贈諫議矣猶司戶稱存憤也

唐相公廟 在文安縣相公莊唐工部張公故祠
原碑存

錢吳越王祠 在正陽門外東南蘆草園雍正三年

勅封誠應吳越武肅王裔孫世章建

宋岳忠武廟 在昌平州渤海所一在霸州一在
永清縣

宋文公祠 在文安縣蘇橋祀主簿洵

宋文丞相祠 在順天府學因丞相義盡之柴市

祠丞相學宮中日教忠坊明洪武九年北平按
察司副使劉崧始請建祠永樂六年太常寺博
士劉履節奉命正祀典始春秋祭於有司明碑
一一楊士奇一羅倫

楊令公祠 在密雲縣古北口北門外祀宋太尉
楊業明洪武間徐達建成化辛丑重修賜額威
靈廟

本朝康熙年霸昌道耿繼先重修

三忠祠 在崇文門外祀漢諸葛武侯亮宋岳鄂
王飛文信國公天祥又宣武門外有三忠祠明

天啟四年建祀張銓高邦佐何廷魁額曰山右三忠祠

劉河間廟 在霸州一在城內一在煎茶舖一在臨津文安有二爲遼高尚先生劉完素建

元世祖廟 在府治西洪武十年建廟致祭正統四年重修至京師帝王廟成始罷其祭

常國公廟 在通州舊城南門內明洪武間勅建祀開平忠武王常遇春以燕山侯孫興祖配焉今改爲斗母宮

通惠祠 在通州明嘉靖四十五年建祀御史吳

仲建議開通惠河碑載藝文志

李文正公祠 在府治西明孝宗賜第也第久圮爲民居嘉靖乙酉麻城耿定向首議贖還爲公祠祀公像傳雙履履二寸許絆繫之一粗紵小衫公舉奇童時著以見景帝者耿爲具篋撰文鏤篋蓋衣已半敝履朱爛然履繫乃不知色守祠者人斂百錢則出示之

岳文肅公祠 在通州學東明嘉靖中勅建祀岳正

邢公祠 在密雲舊城東門內祀明總督邢玠

五賢祠 在三河縣治西南祀明知縣楊蕃吳賢

陳臯謨孫廷相張仁

崇報祠 在遵化州西祀明巡撫陳道基總兵戚

繼光後附巡撫劉四科今廢

鄒公祠 在遵化州治西北祀明巡撫鄒來學今

廢

思功祠 在霸州祀明兵備副史陸坤錢藻以開

河築堤著績

王公祠 在遵化州東甕城外祀明知縣王國貞

今廢

呂公祠 在保定縣治北祀明知縣呂煥今廢

尹公祠 在密雲縣祀明知縣尹仝臯

張公祠 在遵化州西祀明知縣張舜命今廢

鄒大夫祠 在密雲城內每歲春秋致祭名蹟未

詳

陶州判祠 在霸州馬神廟右祀明陶譜今圯

吳州判祠 在霸州祀明吳尚義以脩堤著績

烈婦祠 在通州舊城西門外明嘉靖丙申為烈

婦葉氏建春秋上丁有司致祭

三烈祠 在寶坻城內明嘉靖戊午知縣胡與之

為李堂女三姐李樂女三姐劉聰女韓女兒建
後之貞烈者附焉

三貞烈祠 在文安縣治東祀烈女董氏烈婦姚
氏劉氏教諭郝尚禮記

永平府

社稷壇 在府城南 各州邑山海衛祀同

風雲雷雨山川壇 在府城南 各州邑山海衛祀同

先農壇 在府城東 各州邑山海衛祀同

郡厲壇 在府城北 各州邑山海衛祀同

里社鄉厲二壇 在各里 各州邑山海衛祀同

城隍廟 在府治東南 各州邑山海衛祀同

關帝廟 府城有二一在縣治東一在南甕城在

山海關者七惟石門塞稱最盛 各州邑祀同

旗纛廟 各衛所皆有今多廢每於演武場迎祀

惟昌黎縣存

火星廟 府二一在府治北一在教場左 各州邑山海衛

龍王廟 在府南十里 各州邑山海衛祀同

馬神廟 在府城南二里 各州邑山海衛祀同

八蜡廟 在府東南 各州邑山海衛祀同

各州邑山海衛祀同

各州邑山海衛祀同

文昌祠 在府東門內 各州邑山海衛祀同

東嶽廟 在府東郭外

海神廟 在山海關南海口西明初海運時建萬

歷十二年主事王邦俊重修

蠶姑廟 在遷安縣城西灤州二一在城南一在

城西

名宦祠

鄉賢祠 二祠各州邑山海衛祀同

忠孝祠

節義祠 二祠各州邑山海衛祀同

三皇廟 在府治北

孤竹君祠 在府北河之滸明嘉靖四十二年兵

備道溫景葵建

清節廟 祀伯夷叔齊舊廟久廢明洪武九年同

知梅珪移建於府城內東北景泰五年知府張

茂復建於府西二十里孤竹故城

本朝康熙四年知府彭士聖重修大學士范文程記

昌黎別有廟在北城上

李將軍廟 在府南八里祀漢太守李廣

李臨淮祠 在昌黎縣西城上祀唐司徒李光弼

韓文公祠 在昌黎縣西北唐韓愈其先昌黎人
因封昌黎伯明洪武中建祠

姜將軍廟 在灤州西相傳後唐清泰間鎮碣石
城蛟爲民害將軍斬之人懷其惠立廟祀焉

三忠祠 在遷安縣景忠山祀漢諸葛武侯宋岳
忠武王文信國公

韓御史祠 在府東郭外鄉人感韓應庚之德建
祠祀之宋琬爲之記

顯忠廟 在山海關城內西北明景泰年建祀中
山武寧王徐達

崇報祠 在三屯營新鍾樓東祀明將軍戚繼光

馬公祠 在景忠山下祀明總兵馬永

黃公祠 在豐潤縣東門外祀明知縣黃良廕

忠烈祠 在府武學戟門右祀崇禎庚午死難武

學科正唐之靖道標中軍程應琦參軍焦慶延

又一在建昌營祀殉難副將蔣承勛

勸義祠 在山海關外祀明參將張世忠

忠義祠 在昌黎縣北祀守城殉難四十人明崇

禎中巡撫楊嗣昌建

拽梯郎君祠 在昌黎縣東月城明末以拽梯全

城死失其姓名巡撫楊嗣昌請建

烈女祠 在山海東關外八里望夫石巔祀孟姜

女明萬曆二十二年主事張棟建崇禎十三年

山海道副使范志完重修增龕以榆關列女十

九人附祭

保定府

社稷壇 在府城北各州邑祀同 雍正十年清苑縣知

縣徐德泰重修

風雲雷雨山川壇 在府城南郭外各州邑祀同 雍正

十年清苑縣知縣徐德泰重修

先農壇 在府城東北各州邑祀同 雍正九年清苑縣

知縣徐德泰增修

郡厲壇 在府城北郭各州邑祀同

里社鄉厲二壇 在各里各州邑祀同

城隍廟 在府治北各州邑祀同

關帝廟 府城凡五其一在南門內府學東雍正

五年

勅建春秋致祭如儀各州邑祀同

旗纛廟 在府治西各州邑祀同

火神廟 在府治東各州邑祀同

馬神廟 在府治北 各州邑 祀同

土地祠 在府治內 各州邑 祀同

雷神廟 在府城東郭外 各州邑 祀同

八蜡廟 在府治北 各州邑 祀同

文昌廟 在府北郭明萬歷年建邢雲路記

本朝刑部尚書高景重修 各州邑 祀同

青龍神祠 在完縣增山村東獅陀林昔有僧名

盧自江南來寓居獅陀林秘磨崖下一日有二

童子拜於前盧納之時久旱童子白於盧委身

龍潭須臾化青龍各一遂雨事聞賜盧感應禪

師設祠致祀明宣德年龍時出沒禱雨輒應

五嶽廟 在慶都縣北門外宋劉郭撰碑見存

東嶽廟 在府治東北元至正十年建

北嶽廟 在府城北明永樂中建

河神廟 在唐縣西明萬歷中建

龍母廟 在滿城縣東南一畝泉明時建

本朝雍正十二年重修

龍女廟 在蠡縣城上西北隅廟有神井久湮雍

正九年六月知縣張鴻緒以不雨禱祠浚井土

盡泉湧大雨隨注為勒石以記

劉猛將軍祠 在府治東南各州邑祀同

怡賢親王祠 在府治東北 王奉

勅營田濬渠竭忠盡瘁惠浹畿甸民感其德請立祠祀

焉一在天津一在任縣俱雍正九年建

名宦祠

鄉賢祠 二祠各州邑祀同

忠孝祠

節義祠 二祠各州邑祀同

賢良祠 在府城內北街雍正十一年建

三皇廟 在府治西南明萬歷年建

水神祠 在新城縣治內勾芒少昊子名重為水

官沒為水神

顓頊廟 在高陽縣東

堯母祠 在慶都縣治東

帝堯廟 在慶都縣西

帝堯廟 在唐縣八里口底村山腰有泉清而不

流古今不竭明永樂間重修一在完縣

帝舜廟 在唐縣西北四十里創建無攷

禹王廟 在新安縣北環遶皆水

武廟 在府治西祀周太公

神應王廟 在清苑縣草橋村

趙簡子祠 在滿城縣北眺山下晉永康初立祀

列國晉大夫趙鞅元郝經記

廉將軍廟 在府城西廉梁村祀戰國趙將軍廉頗

燕昭王廟 在定興縣西黃金臺上祀燕昭王郭

隗樂毅配明萬曆中汪應蛟創建

漢高帝廟 在唐縣東北育山之陽相傳解圍白登駐驛於此後人思之因立廟焉

蕭相國祠 在束鹿縣祀蕭何

北平侯廟 在滿城縣南門外祀張蒼明宏治二

年修

霍光廟 在蠡縣西北三里

漢王廟 在慶都縣東南四十里柳宿城明一統

志云漢封中山靖王子蓋爲柳宿侯於此故立祠祀之

光武帝廟 束鹿縣西二十里明嘉靖十年建

漢邳彤廟 俗誤爲皮場廟在祁州南門外自宋

迄今有疾者禱之卽愈宋咸淳六年加封明靈昭惠顯祐王

崔府君廟 在祁州南祀崔子玉代有靈迹唐開元中封爲靈聖侯始建祠宋真宗朝封護國西寧王

孝烈將軍廟 在完縣東卽木蘭女也以父當行戍無子木蘭身代之有木蘭詞載藝文唐封爲孝烈將軍世俗相傳木蘭魏姓亳州人從漢文帝來曲逆故祀此

章公祠 在府南門外祀爲明知府章時鸞建有碑記

陽明祠 在城隍廟前郡人魏一鰲建

呂公祠 在雄縣郝家店北有橋相傳呂仙觀蓮於此

張將軍祠 在束鹿縣舊城南祀唐將張興

許睢陽祠 在高陽縣塔頭村祀唐睢陽太守許遠

齊忠勇祠 在高陽縣西關外祀唐相齊映通志云祀明禮部尚書齊映天啟初曹紘建

雙忠祠 在雄縣白溝北祀宋張叔夜明陳復初以二公盡節於此故祀之

三守祠 在安州治西北祀宋楊延昭金徒單航

元完顏安遠又容城縣西北有楊將軍廟專祀
楊延昭

二程夫子祠 在博野縣程委村元時建祀宋儒
程顥程頤明正統成化間相繼重修春秋仲月
行祀禮如儀

張子祠 在祁州祀張橫渠

二賢祠 在府學西元劉因郝經講道保定路後
人立祠祀之

劉靜修祠 在容城縣西北元至正年建祀劉因
一在新安縣西三臺堡皇慶中賜額靜修書院

明危素吳寬爲之記

劉河間廟 在府上闡祀遼劉完素

忠孝祠 在雄縣祀元孝子王庸明楊松潘忠嘉
靖中建

劉誠意伯廟 在容城縣北一里許祀明劉基

孫文正公祠 在高陽縣南關祀明大學士孫承
宗

李文敏公祠 在高陽縣南關祀明大學士李國
楷

鹿廷尉祠 在定興縣祀鹿善繼明崇禎年勅建

胡公祠 在定興縣祀前令胡嘉桂

五賢祠 在府城城隍廟前郡人魏一鰲建有記

楊忠愍公祠 祀明楊繼盛一在府治西建於隆

慶二年大學士李春芳記

本朝順治十三年

世祖御製文二篇立碑祠內外坊額曰表忠一在府西關

外建於萬曆二十九年大學士孫承宗記

本朝康熙十年重修孫奇逢記一在定興縣河陽渡

明天啟中巡撫張鳳翔建總憲高攀龍顏曰世

師堂一在容城縣儒學東明萬曆四年建

張公祠 在府西關外祀明知縣張弘襟

忠烈祠 在府西郭外

本朝康熙六年同知常大忠建祀明甲申狗難紳士

孫奇逢記雍正九年清苑縣知縣徐德泰捐修

義行祠 在雄縣祀義士胡斌

班姬廟 在安肅縣西

孟姜女廟 在安肅縣北

郝仙姑祠 在安州祭頭村

河間府

社稷壇 在府城西各州邑祀同

風雲雷雨山川壇 在府城南 各州邑 祀同

先農壇 在府城東南 各州邑 祀同

郡厲壇 在府城北 各州邑 祀同

里社鄉厲二壇 在 各里 各州邑 祀同

城隍廟 在府治西 各州邑 祀同

關帝廟 一在府東門甕城內 一在斜街 一在南

關 一在館驛後 一在西關外 一在府學後 一在

縣治東 一在南大街 各州邑 祀同

旗纛廟 在河間衛 各州邑 祀同

火神廟 在府治後 各州邑 祀同

龍王廟 在獻縣完固口

五龍潭廟 在任邱縣北五龍潭上元時屢著靈

應明成化中旱祈雨得應重葺

馬神廟 在府治西 各州邑 祀同

土地祠 在府治內 各州邑 祀同

八蜡祠 在府治西 各州邑 祀同

文昌祠 一在府西關 一在南關 一在縣學內

藥王廟 一在府西門內 一在任邱縣長桑君廟

西祀扁鵲

河神廟 在東光縣西門外

名宦祠

鄉賢祠 二祠各州
邑祀同

忠孝祠

節義祠 二祠各州
邑祀同

三皇廟 在府西門內迤南

禹王廟 在寧津縣西門外

武成廟 在府學西祀太公望配以管仲張良孫

武諸葛亮從祀者東田單至張浚十人西李晟

至廉頗九人

澹臺祠 在故城縣西澹村即先賢滅明舊里

忠憲武清公廟 在吳橋縣治西祀孫武子

廉頗廟 在獻縣西五十里

河間獻王廟 在獻縣男嘉靖十三年知縣汪鑾

建

長桑君廟 在任邱縣鄭州東北三里

條侯祠 在景州城西墓上有周亞夫封條侯碑

董子祠 在景州城東廣川鎮有唐宋碑刻

本朝康熙四十二年知州周鉞恭請

聖祖御書闡道醇儒四字刻於碑碣一在故城縣西北

雙廟 在故城縣西北鹿豕村舊祀張巡許遠今

廢

呂公祠 在阜城縣治西

包公祠 在府城西北隅

劉守真祠 在府治西南祀遼高尚先生劉完素

明正德中建

李公祠 在任邱縣西門外祀按察使李貞宁

范公祠 在吳橋縣城南祀明大學士景文

本朝賜諡文忠又為建祠

忠良祠 在任邱縣北雄門內祀知縣唐子方

豐村祠 在任邱縣祀知縣金燦

忠烈廟 在任邱縣為明戊寅殉難士女建

節孝祠 在任邱縣西梁關左倪璣建內圖古今

節孝

天津府

社稷壇 在府城西 各州邑 祀同

風雲雷雨山川壇 在府城南 各州邑 祀同

先農壇 在府城西 各州邑 祀同

郡厲壇 在府城北 各州邑 祀同

城隍廟 在府城內西北明永樂四年建成化十

九年重修 各州邑 祀同

關帝廟

各州邑 祀同

武廟

在府城內西北隅雍正十一年巡鹽御史

鄂禮知府李梅賓知縣徐而發重修

旗纛廟

各州邑 祀同

火神廟

各州邑 祀同

龍王廟

一在府城水關外開口一在府西關一

在青縣東南衛河岸一在慶雲縣高津河北岸

馬神廟

各州邑 祀同

八蜡廟

各州邑 祀同

藥王廟

在青縣西

東嶽廟

在青縣治東南

河神廟

在青縣東郭

海神廟

在大沽口康熙三十七年

聖祖仁皇帝發帑重建

御製碑文及匾額正殿曰靜洪波觀音閣曰潮音清梵水

母殿曰涵育雍正三年奉

勅重修

小聖廟

在河東鹽池長蘆志小聖海神也舊有

廟在大津河西始封平浪侯繼封護國濟運顯
應平浪元侯順治六年津人移建於此康熙二

十三年重修又阜財豐財二場亦俱有廟

鹽姥廟 在蘆臺場

怡賢親王祠 在天津縣大直沽

名宦祠

鄉賢祠

二祠各州
邑祀同

忠孝祠

節義祠

二祠各州
邑祀同

三皇廟

在青縣東北

龔公祠

在滄州祀漢渤海太守龔遂

包公祠

在滄州祀宋長蘆運使包拯

于公祠

在滄州祀明少保于謙

忠肅祠

在鹽山縣西郭外祀明吏部尚書王翺

五賢祠

在滄州祀明知州盧廷選王堯封李夢

熊羅爨

本朝許榮昌

李公祠

在鹽山縣西郭外祀知縣李正華萬曆

四十五年建

畿輔通志卷之四十九

畿輔通志卷之四十九

祠祀

三

畿輔通志卷之五十

祠祀

正定府

社稷壇

在府城西北五里

各州邑祀同

風雲雷雨山川壇

在長樂門外

各州邑祀同

先農壇

在府城東

各州邑祀同

郡厲壇

在府城永安門外二里許

各州邑祀同

里社鄉厲二壇

在府各里

各州邑祀同

城隍廟

在府治西南隅

各州邑祀同

關帝廟

在府治陽和樓又一在柳巷一在順城

關 各州邑 祀同

旗纛廟 在正定衛

火神廟 在府城長樂門外一里許 各州邑 祀同

龍王廟 在正定縣北前有龍井遇旱禱雨輒應

馬神廟 在府治西 各州邑 祀同

八蜡祠 在府社稷壇西北隅 各州邑 祀同

文昌祠 一在晉州學內一在井陘縣東三里凌

雲塔

元帝廟 在晉州 西北

北嶽行祠 在無極縣西北

滹沱河神祠 在府南城外俗名回龍廟明弘治

中建春秋二祀與壇祭同

本朝雍正九年

勅修

白石神廟 在元氏縣白石山麓舊志漢光和四

年守令以神能興雲雨有禱輒應因請於朝立

廟祀之

大鳴泉廟 在府城西十里

薔花苑廟 在贊皇縣西南二十里廟內井泉湧

出旱禱立應

河神廟 一在城南關外一在城東關龍岡

本朝康熙二十九年重修

水神祠 在新樂縣西

五龍祠 在晉州東門外明洪武間建

藥王廟 在藁城縣西郭今移太寧門甕城內

徐神翁廟 在藁城縣西南徐家莊

蠶公廟 在無極縣東合流村

名宦祠

鄉賢祠 二祠各州
邑祀同

忠孝祠

節義祠 二祠各州
邑祀同

三皇廟 在靈壽縣西關外

許由祠 在行唐縣西北三十里許由疇朝元觀

後明天啓年間建

大禹廟 在藁城縣恒鎮門西明嘉靖六年建一

在恒鎮門北亦嘉靖年建

周穆王廟 在贊皇縣贊皇山上

太公廟 在獲鹿縣西南四十里郭莊村

樂武子廟 在樂城縣西北五里

郤監軍祠 在行唐縣西北四十里城寨村祀晉

卿郤穀

趙惠文王廟 在靈壽縣北六十里文山上元至

正十六年建

趙武靈王廟 在靈壽縣西北十五里趙王臺上

趙武安君廟 一在元氏縣治西南一在贊皇縣

治南祀趙將李牧

黃石公廟 在晉州東北二十里侯城鎮元建

淮陰侯廟 一在獲鹿縣西門甕城一在縣治西

古井陘口一在井陘縣西門外

紀信廟 在靈壽縣東八里

邳彤廟 一在靈壽縣東關彤為光武雲臺諸將

之一食采靈壽故邑人祀之明正統中封明靈

王一在藁城縣西北

崔府君廟 一在晉州城內明正統中知州崔塘

重修一在井陘縣東城外北關一在贊皇縣城

內

魏文貞公祠 一在晉州城內一在贊皇城東

本朝康熙二十八年知州陳祖法重修

尉遲公廟 在行唐縣東二里莊頭村

三忠祠 在府城文廟東祀常山太守顏杲卿平

原太守顏真卿宋南康錄事殿陽珣

金紫光祿大夫祠 在平山縣南光祿山上後唐

潞王兒時牧羊於此一日謁祠前神面東若遜

避狀後即帝位遂有是封

本朝康熙九年知縣湯聘重修

包孝肅祠 在無極縣西關外

靜修祠 在獲鹿縣祀金處士劉元素元學士高

健建

史丞相祠 在府城外東北祀元丞相史天澤今

廢

趙文正公祠 在贊皇縣學祀元太保良弼

薛文清祠 在元氏縣儒學東即舊書院

王滹南祠 在藁城縣學東元泰定甲子為金學

士王若虛建草蘆吳澄有記

安先生祠 在藁城縣西西管鎮元蘇天爵李士

興為鄉先生安熙建其祖滔父松皆與焉殿陽

元功記

平都司祠 在府東城上祀明都指揮司平安安

山西人任指揮司屯正定

順德府

社稷壇 在府城西郭外各邑祀同

風雲雷雨山川壇 在府城南郭外各邑祀同

雷公廟 在府城外雷公山下

先農壇 在府城東各邑祀同

郡厲壇 在府城北郭外各邑祀同

里社鄉厲二壇 在各里各邑祀同

城隍廟 在府治西北各邑祀同

關帝廟 在沙河縣北郭外各邑祀同

旗纛廟 在府城百戶所治內各邑祀同

火神廟 在任縣東南隅

龍王廟 在廣宗縣東北

馬神廟 在府西門內各邑祀同

土地祠 在府治內各邑祀同

八蜡祠 在府治北各邑祀同

文昌祠 在南和縣文廟東明萬曆八年建

東嶽廟 在南和縣東門外

澧水神祠 在南和縣治西明弘治十三年建

怡賢親王祠 在任縣北北留寨

名宦祠

鄉賢祠 二祠各邑祀同

忠孝祠

節義祠

二祠各邑祀同

三皇廟

在平鄉縣北舊趙村元時建

古聖祠

在內邱縣祀伏羲神農黃帝堯舜禹湯

文武

堯祠

在唐山縣西北堯山上又范石湖集雲山

下有放勳廟

九聖祠

在內邱縣北關外祀稷契風后力牧周

召夷齊諸聖

宗聖祠

在平鄉縣西新寨村祀曾子

程子華祠

在內邱縣西門外舊志程名本孔子

故人

神應王廟

在內邱縣西六十里鵲山下始建未

詳祀秦越人宋仁宗封神應王

趙襄子祠

在邢臺縣治西

豫讓祠

在邢臺縣學後

銅馬祠

在鉅鹿縣城北漢光武破銅馬賊於此

邑志云祀漢將馬武

光武廟

在唐山縣南旁有繫馬臺相傳光武避

王郎兵繫馬於此

都尉祠 在內邱縣馮唐村祀漢都尉馮唐塑像
奇異居人誤稱為黑龍王

三文貞公祠 在府署東元延祐中祀魏徵宋璟
于學宮東南又祀劉秉忠于府治東明萬曆中
知府王守誠合祀於此改今名

本朝康熙六年重修

宋丞相祠 祀宋文貞公璟一在沙河縣有顏魯
公真蹟碑一在南和縣有明靖遠伯王驥勒石
贊

郭巨廟 在內邱縣 堤店明宏治中建

崔莊敏公祠 在廣宗縣學宮內祀明少保崔恭

李滄溟祠 在府城內

本朝順治十七年推官龔九震修

歸震川祠 在府治西

本朝康熙十三年督學王澤弘建

盧公祠 在南和縣西河頭郭村祀明盧象昇以
任大名兵備道捍賊有功民立祠祀之

孫公祠 在府治西嘉靖中建祀明知府孫錦

本朝康熙五年知縣辛兆蕙重修

雙烈女祠 在邢臺縣南郭祀明烈女王玉梅張

端莊

廣平府

社稷壇

在府城北門外

各州邑 祀同

風雲雷雨山川壇

在府城南門外

各州邑 祀同

先農壇

在府城東

各州邑 祀同

郡厲壇

在府城北門外

各州邑 祀同

里社鄉厲二壇

在各里

各州邑 祀同

城隍廟

在府治西

各州邑 祀同

關帝廟

在府南甕城

各州邑 祀同

旗纛廟

在廣平營

各州邑 祀同

火神廟

在府南甕城曲周縣在府館

龍王廟

在府城外黑龍潭肥鄉在龍潭鷄澤在

東門外威縣在治西北廣平在東關外

馬神廟

在府預備倉前

各州邑 祀同

土地祠

在府治內

各州邑 祀同

八蜡祠

在府城北

各州邑 祀同

東嶽廟

在府東甕城

漳神廟

在成安縣東門外

河神廟

在府南橋曲周縣在東橋

滏口祠

在府城南名勝志永年縣有滏口祠佛

圖澄傳曰石虎自正月至六月不雨澄詣祠稽首暴露卽有二龍降雨祠下

聰明山神廟 在聰明山

名宦祠

鄉賢祠

二祠各州
邑祀同

忠孝祠

節義祠

二祠各州
邑祀同

三皇廟 在邯鄲縣叢臺西

黃帝廟 在磁州城內名勝志黃帝廟在舊滏陽

城內世傳軒轅氏葬於陵臺建廟於此宋大中

祥符初賜名先天觀

成湯廟 在曲周縣安兒寨

曾子祠 在威縣南關

冉子祠 在府西瓜井村茅坤有記

昭公廟 在成安縣東北一里

狐突祠 在曲周縣東南舊宇久廢今存小像祀

之名勝志晉大夫狐突祠在縣東南安兒寨

三忠祠 在邯鄲縣叢臺西南明萬曆十九年建

祀晉程嬰公孫杵臼韓厥今移建城西東明觀

扁鵲廟 在雞澤縣三陵村

魯班廟 在府南關外

成信侯廟 在肥鄉南堡村祀程嬰

趙王廟 在邯鄲縣東二十里

平原君廟 在肥鄉縣南堡村

望諸君祠 在邯鄲縣叢臺下

廉頗廟 在府南東家堡一在清河縣西南八里

三賢祠 在邯鄲縣舊馬神廟內原祀趙藺相如

廉頗李牧今移建南關外增趙奢為四賢祠

成安君廟 在成安縣治西北祀漢陳餘明嘉靖

二十年改建

周昌祠 在磁州城內

董仲舒祠 在曲周縣東北

增福祠 在府治內曲周在縣治東肥鄉在縣治

南雞澤在西關祀舊邑令李詭祖詭祖家世淄

川魏文帝朝仕曲梁時極狐妖塞橫水貽福孔

多故作祠祀之唐封增相公元封福善平施公

祠因以是名嘉靖中毀淫祠議廢後稽功德存

之

蒼龍廟 在磁州西佐里祀隋竇宗

崔府君廟 在磁州治東北

李衛公廟 在磁州臨水里祀李靖

李藥師廟 在邯鄲縣來馬臺相傳李靖統軍過

此

白馬將軍廟 在肥鄉縣白落堡祀唐將羅誠郡

志羅士信俗訛羅成

呂翁祠 在邯鄲北二十里黃梁店內有明世宗

御書匾額

韓昌黎祠 在曲周縣馬蘭村

宋李靖廟 在肥鄉縣境內

仰功祠 在成安縣城隍廟左祀宋成安尹寇準

明嘉靖二十五年建

李忠愍祠 一在曲周縣學西一在威縣治南祀

宋侍郎李若水

程宗二公祠 在磁州儒學東南祀宋磁州守程

珦宗澤

本朝康熙三十七年知州蔣擢重修

岳忠武王廟 在磁州東門外

郭守敬祠 在雞澤縣南八里

五公祠 在清河縣新集祀少師夏言御史錢如

京刑尚書樊繼祖知府華津張希尹

申端愍公祠 在府治南祀明殉難太僕寺寺丞
申佳廕

本朝順治九年建

路公祠 在曲周縣東關祀明御史路振飛

塗公廟 在磁州北五里鋪

本朝順治六年為巡道勦寇戰沒

贈光祿卿塗廓建康熙四十二年知州蔣擢重修

大名府

社稷壇 在府西郭 各州邑 祀同

風雲雷雨山川壇 在府城南 各州邑 祀同

先農壇 在府城東 各州邑 祀同

郡厲壇 在府北郭 各州邑 祀同

里社鄉厲二壇 在 各里 各州邑 祀同

城隍廟 在府治西南 各州邑 祀同

關帝廟 在府城內萬曆二十一年建 各州邑 祀同

旗纛廟 各州邑 祀同

火神廟 各州邑 祀同

龍王廟 在大名縣東十八里

白龍王廟 在魏縣城東南新漳河西宋縣尉陳

堯佐撰碑記一在羅兒莊唐太宗勅封有碑記

馬神廟

在府西北隅

各州邑祀同

八蜡祠

在馬神廟東

各州邑祀同

文昌祠

在府學

各州邑祀同

東嶽廟

在大名縣城內東北

江瀆廣源王廟

在清豐縣南十五里

泉源祠

在清豐縣東北三十里

江瀆廟

在魏縣雙井集

漳神廟

在魏縣東郭外

靈津廟

在開州西南宋孫洙靈津廟記元豐元年曹村新堤成賜堤名曰靈平廟曰靈津

名宦祠

鄉賢祠

二祠各州邑祀同

忠孝祠

節義祠

二祠各州邑祀同

顓頊廟

在開州西寰宇記臨河縣顓頊廟太和

四年立乾德六年重修今廢

倉頡廟

在南樂縣西三十五里塚上明崇禎九

年重建

虞舜廟

在開州東郭里

雙忠廟

在長垣縣南關祀夏關龍逢殷比干

比干廟 在長垣縣西南魏樓村

周文王廟 在開州龍城村

衛靈公祠 在長垣縣南

柳下惠祠 在開州東北明萬歷中建

二賢祠 在東明縣西北二十里明嘉靖間居民

掘地得石碣上書閔子騫公西華之祠知縣沈

大楠請修二賢祠春秋致祭縣志祠旁有二賢

塚

子路祠 在開州北戚城又有祠在長垣縣蒲城

鎮

蘧公祠 在長垣縣南街舊為子路祠明嘉靖中

改祀蘧伯玉於此寰宇記長垣縣蘧伯玉祠在

縣東七里祠在墓側

晏平仲祠 在長垣縣東四十里

魏武侯祠 在府城東十里

西門豹祠 在府東五里

齊王廟 在南樂縣東羅疇村唐開元時建清豐

亦有之

孝元后祠 在府東北隄上祀漢王皇后

趙文君祠 在魏縣東南二十三里祀漢令趙夔

束哲廟 在府城東六十里束館鎮上明成化八年元城知縣段正重修

張清豐祠 在清豐縣南郭外清豐隋時孝子明嘉靖中知縣沈鍊建有呂時中記

三賢祠 在舊府城文廟東祀唐魏徵狄仁傑宋韓琦

崔府君廟 在長垣縣西三里耿村明正統間建

狄梁公祠 在府城南郭名勝志祠有唐碑二一為李邕文張繼處書一為馮宿文胡證書又有

祠在魏縣東南

南將軍廟 在清豐縣北門外祀唐南霽雲茅坤

有記

忠孝祠 在大名縣艾家口河岸知縣李本意建祀唐魏博節度田宏正暨子布

四賢祠 在府城內祀狄仁傑韓琦寇準劉安世萬歷間增建一祠東祠祀狄韓寇三公並文潞

公為四賢祠西祠專祀劉忠定公今移洪濟橋北李總制廢祠

萊公祠 在開州東郭御井旁

回隆廟 在魏縣西南名勝志俗傳宋真宗北征

至此回鑾因名回龍訛為隆也

宋康王廟 在清豐縣東南二十五里世傳康王

質於金間道奔還跨泥馬渡河於此土人祀之

程明道祠 在開州城內

張夢山祠 在南樂縣南二里祀元處士張淳

阿木律大官人祠 在開州由義坊木律元人屢

立戰功世祖器重嘗稱為大官人時開州有大

獄株連千餘家公為剖辯得雪至元初散軍衛

於河北民被其虐公悉繩以法開人感而祀之

郭忠烈祠 在開州由義坊續文獻通考元郭嘉

盡忠所事洪武初旌其忠烈命有司立祠春秋
致祭

忠義祠 在南樂縣東知縣王邦恭建祠祀殉難

武舉霍貫道

本朝康熙十二年知縣方元啓重修

魏介肅公祠 在南樂縣學西明萬曆四十七年

勅建祀僉都御史魏允貞

沈青霞祠 在清豐縣北郭祀明知縣沈鍊

宣化府

社稷壇 在府城西北各州邑祀同

風雲雷雨壇 在府城東 各州邑 祀同

先農壇 在府城東 各州邑 祀同

郡厲壇 在府城東北 各州邑 祀同

里社鄉厲二壇 在 各里 各州邑 祀同

城隍廟 在府城內明洪武二十八年建宣德元

年重建 各州邑 祀同

關帝廟 在府城內明正統七年建 各州邑 祀同

旗纛廟 在府城內明永樂十七年建 各州邑 祀同

火神廟 在府城神倉庫明永樂中建 各州邑 祀同

龍神祠 在府城彌陀寺街西明正統元年建

馬神廟 在府城東 各州邑 祀同

八蜡祠 在府城外東南明成化二年建 各州邑 祀同

文昌祠 在府學內明天順四年建 各州邑 祀同

五嶽廟 在赤城縣雲州堡

東嶽廟 在府城明正統五年建

本朝康熙三十九年知府申奇貴重修

北嶽廟 在府城廣靈門外北山上明弘治年建

藥王廟 在延慶州治北

河神廟 在保安州南郭外

本朝康熙四十二年知州楊汝楫重建

水母廟 一在獨石一在馬營一在長安嶺

溫泉神廟 在赤城西溫泉上明正統六年重修

獨石神廟 在赤城縣北獨石城南明正統七年

建祀土神

名宦祠

鄉賢祠

二祠各州
邑祀同

忠孝祠

節義祠

二祠各州
邑祀同

軒轅廟 在獨石水經注涿鹿城東一里阪泉上

有黃帝祠宣鎮志在橋山後魏天興中建興光

元年詔修之

舜祠 在延慶州歷山

武廟 在龍門縣城內

武成王廟 在府城內

本朝康熙十八年總兵閆可權重修懷來縣廟在東

門內

狐突廟 在懷來縣東門外畿輔舊志祀龍神或

湖濱訛呼也

三靈侯祠 在保安州玉皇閣下

秦王次仲廟 在延慶州大翻山

漢文帝廟 在蔚州南關遼穆宗建

崔府君廟 在礮山金太和八年建

許旌陽祠 在府城軍器局南明崇禎十五年守

道何謙建

三賢祠 有三一在獨石一在雲州一在龍門

褒忠祠 在府城內明嘉靖七年勅建祀功烈節

義諸武臣薛祿譚廣等許成名有記

顯忠祠 在懷來縣建祀曹鼐等忠烈三十六人

明萬曆末兵備道胡思伸重修

愍忠祠 在懷來縣祀潘宗顏保安人明萬曆癸

丑進士官遼東監軍僉事戰沒其弟宗舜奏請

贈光祿少卿賜諡節愍立祠春秋致祭

表忠祠 在懷來縣祀沈鍊任錦衣衛經歷忤嚴

嵩謫戍保安衛尋遇害長子襄奏贈光祿寺少

卿立表忠祠春秋致祭

義烈祠 在赤城縣北雲州堡祀守備孫剛少監

谷春等九十餘人明正統十四年建葉盛有記

滿毅愍祠 在宣化縣南郭崇禎二年勅建祀殉

難總兵滿桂

忠義祠 在府城內

本朝順治十八年建祀明殉難巡撫朱之馮及生員
姚時中禮部侍郎王崇簡有記

祀功祠 在保安州治西舊為懷隆兵備道吳嘉

會粟米祿開渠利民民立祠祀之後兵備道張

經世及州守李恒茂胡士棟有治行亦入祠祀

本朝康熙四十一年知州楊汝楫重建祠合祀五十

年知州梁永祚以前牧閩生斗殉節亦立主祠

中

昭德祠 在府城內嘉靖二年建祀李儀羅亨信

李秉葉盛秦紘張錦李介楊謐陳紀馬中錫雍

秦王雲鳳十二人呂枋有傳敘

節孝祠 在懷來縣明萬曆間為孝子王道成妻

孝婦李氏建

易州

社稷壇 在州西關外一里各邑祀同

山川風雲雷雨壇 在州東關外一里各邑祀同

厲壇 在州東關外各邑祀同

城隍廟 在州署東各邑祀同

馬神廟 在州署儀門西南各邑祀同

旗纛廟 在州署東南

武安王廟 在州署北

龍王廟 在州西關

泰山行祠 在廣昌縣東關外

召公祠 在州署東北

四賢祠 在州南祀郭槐樂毅劇辛鄒衍像係劉

鑾塑技極精巧元郝經碑記

樊將軍廟 在州城東

蕭曹祠 在涑水縣東

嚴子陵祠 在涑水縣北

昭烈帝廟 在涑水縣東

李靖廟 在涑

三忠祠 在州西北紫荆關明也先入犯都御史

孫祥太監阮堯民都指揮韓清死之奉勅建祠

雙節祠 明正德間霍恩任上蔡令與妻劉氏死

節奉勅建祠州署東南以祀之

冀州

社稷壇 在州城西里許各邑祀同

風雲雷雨山川壇 在州城南里許各邑祀同

先農壇 在州城東各邑祀同

郡厲壇 在州舊城內東北隅

里社鄉厲二壇 在各里各邑祀同

城隍廟 在州治西各邑祀同

關帝廟 一在州治東明永樂四年建一在西關

外

本朝順治十五年重修一在西關甕城內順治十六

年建各邑祀同

旗纛廟各邑祀同

火神祠各邑祀同

馬神祠 在州治西北太僕寺右各邑祀同

八蜡祠 在州南關外各邑祀同

文昌祠各邑祀同

名宦祠

鄉賢祠二祠各邑祀同

忠孝祠

節義祠二祠各邑祀同

太公廟 在棗強縣西郭外明萬歷中建史稱呂

尚困於棘津棘津棗強古邑名也太公避紂築

賣漿臺迄今有遺址焉

南宮子祠 在南宮縣文廟東祀南宮适

本朝順治十六年邑人杜鎮重修

扁鵲廟 在南宮縣鵲山

張耳祠 在州南門內宋太祖建隆中建元末毀

於兵遺址尚存後為二郎廟

董子祠 在棗強縣治西祀漢儒仲舒

光武廟 在南宮縣東門外

四公祠 在新河縣祀汝廸蔡懋照馬廷楠陳士

秀各有記

蕭晏二公祠 在冀州城西一里高原上按蕭公

名伯軒宋新淦人明封水府靈通廣濟顯應英

佑侯晏公名戊子元臨江人明封平浪侯先是

明成化六年大水衝城知州胡瑛呼神求救水

退城全次年構廟於此明成化十八年滹沱河

溢水衝城壞知州李德美跪禱間適有麥秸順

流而下與所塌城樓土石併塞由是水不入城

因重新之

本朝順治間知州王來泰復加修葺

李孝子祠 在武邑縣嶽廟東祀元孝子李璋

劉公祠 在南宮縣東祀前令劉鎰

段公祠 在棗強縣西郭外祀明知縣殉難段世

高正德辛未建有李時記郡志作段豸邑志作

段世高

貞烈祠 在南宮縣東郭外

烈女祠 在南宮縣東嶽廟西

趙州

社稷壇 在州西郭各邑祀同

風雲雷雨山川壇 在州南郭東隅各邑祀同

先農壇 在州東郭各邑祀同

郡厲壇 在州北郭各邑祀同

里社鄉厲二壇 在各里各邑祀同

城隍廟 在城西北各邑祀同

關帝廟 在州治西各邑祀同

旗纛廟 各邑祀同

火神廟 各邑祀同

龍井廟 在州北一里金大定四年州民李通建

明正統五年判官章綸重修并旁有二廟相並

俗呼雙廟禱雨多應

五龍祠 在寧晉縣南八里高莊村

馬神廟 在州南門外東隅明成化二年建各邑祀同

八蜡祠 在州南門外各邑祀同

文昌祠 在州南城各邑祀同

名宦祠

鄉賢祠

二祠各邑祀同

忠孝祠

節義祠

二祠各邑祀同

廉藺祠

在州東南望漢臺西明崇禎中建

三靈侯祠

在寧晉縣南門外志云祀周諫大夫

唐葛周三入未詳何名

漢高祖廟

在臨城縣西北鵝鴿井

光武廟

有四一在州境一在柏鄉縣北十四里

一元和志漢世祖廟一名壇亭卽世祖卽位處之

千秋亭也後建廟於此一在高邑縣西北十二

里一在寧津縣南陳村

耿純祠

在州北龍村明宏治間知州張清於純

墓前建

崔府君廟

在柏鄉縣西南

顯惠孫公祠

在寧晉縣北關迤西祀元兵部尙

書樂安郡侯孫瓚元末賊帥將屠邑過丁橋忽

雙鯉躍橋上應賊夢中所見復見公神現空中

賊懼而去邑民感而祀之

曹文忠公祠

在寧晉縣東四里洩水上祀明少

傅大學士曹彙邑人蔡燾建

于世恩祠 在高邑縣趙南星為記

仰德祠 在州治左明宏治中士民為知州何澹

建有大理王鑑之記

深州

社稷壇 在州西郭外南隅各邑祀同

風雲雷雨山川壇 在州南郭外西隅各邑祀同

先農壇 在州東郭各邑祀同

郡厲壇 在州北郭外西隅各邑祀同

里社鄉厲二壇 在各里各邑祀同

城隍廟 在州治東各邑祀同

關帝廟各邑祀同

旗纛廟各邑祀同

火神祠 在州南郭各邑祀同

馬神祠 在州治西南隅各邑祀同

八蜡祠 在州西郭外各邑祀同

文昌祠 在州學內各邑祀同

名宦祠

鄉賢祠二祠各邑祀同

忠孝祠

節義祠 二祠各邑祀同

光武廟 在武強縣東唐王村

馮母廟 在饒陽縣治西祀漢馮異母始建無考

明萬歷中知縣翟耀重修

姚期廟 在饒陽縣小韓村

忠烈祠 在州西門外明崇禎十六年建祀贈太

常卿知州孫士美知州李燭州判劉沛然吏目

朱春芳熊國俊學正任尹訓導劉名言侯度昭

王孟夏兩廡祀舉人呂叔成王呈貞田如墉王

蔭昌田如坻田如阜

孔公祠 在安平縣治東明崇禎十一年建祀殉

難知縣孔聞校並鄉勇二十八人

聖姑廟 在安平縣城北神女臺上縣志姑姓郝

至孝不嫁以養親卒後屢著靈異因廟祀之

定州

社稷壇 在州城西 各邑祀同

風雲雷雨山川壇 在州城南 各邑祀同

先農壇 在州城東 各邑祀同

郡厲壇 在州北門外 各邑祀同

里社鄉厲二壇 在 各邑祀同

城隍廟

在州治北

各邑俱在城內

關帝廟

在州治南洪武六年建

各邑祀同

旗纛廟

在衛治東偏

各邑祀同

火神廟

各邑祀同

馬神廟

在州治南

各邑祀同

八蜡祠

在州城東門外明成化二十年建

各邑祀同

文昌祠

在文廟左明宣德十年建萬歷三十一

年重修

各邑祀同

北嶽廟

在曲陽城西漢書郊祀志神爵元年祠

北嶽常山於上曲陽府志廟距恒山百餘里唐

貞觀間建於祠望而祭之廟有唐碑五宋慶曆

八年安撫使韓琦領定州事游君開重修立碑

明洪武間定為北嶽恒山之神去宋元封號

龍王廟

在州北城上萬歷四十四年知州宋子

質移城內北隅旁有八角井時適旱禱之立應

是歲大熟

利民侯祠

在曲陽縣少容山祀山神縣志宋治

平熙豐中祈禱輒應定州路安撫條其事奏請

于朝錫爵利民侯

名宦祠

鄉賢祠 二祠各
邑祀同

忠孝祠

節義祠 二祠各
邑祀同

廉頗廟 在州城南五十里廉台村一在饒陽縣

東二十五里

紀信廟 在州南

漢光武廟 在州治東雞鳴臺三十五里

陽城祠 在定州東一里明安治中知州李夢熊

建

韓魏公祠 舊祠在定州名宦琦嘗帥定民感其

德立祠祀之新祠一在州東北眾春園遺址明

萬曆十九年知州唐祥興建一在州治後萬曆

四十四年知州宋子質建續闕古堂設公木主

事之

蘇文忠公祠 舊祠在州文廟左宋元祐中軾嘗

知定州民立祠以祀新祠在新建韓魏公祠左

明萬曆四十五年知州宋子質建

鮑侯祠 在曲陽縣治西明萬歷年建祀知縣鮑

獻書

畿輔通志卷之五十一

畿輔通志卷之五十一

寺觀

順天府

慈仁寺

在廣寧門內大街明憲宗為孝肅周太

后弟吉祥建有二松相傳金時植後有毘盧閣

左有槐樹又有遼乾統三年尊勝石幢尚

津日記俗呼報國寺蓋先有報國寺在寺西北

隅也每月朔望二十五日有市甚盛

海會寺

在府東南明穆宗受釐之地萬曆中增

修

愍忠寺

在府西南唐貞觀十九年太宗憫東征

士卒於幽州城內建忠憫寺中有高閣諺云憫

忠高閣去天一握是也東西有磚塔高可十丈

于是安祿山史思明所建又有唐重修舍利記

一蘇靈芝行書寶塔頌俱存

本朝康熙年

聖祖御書匾額曰大雄寶殿曰覺路津梁曰不二法門曰

藏經閣凡四處

觀音寺

在府西南五里玉河鄉中有杭州上天

竺觀音大士古像明天順成化間相繼重修

本朝康熙年

聖祖御書寄興高遠四字

仙露寺

在府南菜市西地名千邑遼時建

功德寺

在府西卽元護聖寺也有古臺三相傳

元主遊樂更衣處

清化寺

在府東明宣德壬子建正德癸酉重修

隆善寺

在府西北明宣德中建賜額

大慈恩寺

在府西海子上舊名海印寺明宣德

四年重建改今名

靈雲寺

在府南十里明天順元年賜額

大覺寺 在府西北三十里明宣德二年改建正
德十三年重修

法林寺 在府西南十二里舊名竹林寺明景泰
四年改建

淨明寺 在府西南三十里明宣德八年改建

寶林寺 在府西南四十里明正統二年改建

萬福寺 在府西南五十里明正統二年改建

清涼寺 在府西三十里舊名盧師寺明正統十
一年改建

五華寺 在府西四十里舊名圓殿寺明宣德三

年改建後又改廣惠寺

法海寺 在府西四十里舊名龍泉寺明正統四
年改建

本朝順治年

世祖御書敬佛二字

廣通寺 元爲法正寺在府西北二十里明正統
五年重修

壽光寺 在府西北三十五里舊名震音寺明正
統十三年改建

碧雲寺 在府西元耶律阿利吉建明正德十一

年內監于經拓之為寺巖下有泉從石罅中出
淙淙若琴筑亭曰聽水佳處亭前有池種白蓮
百本池邊修竹成林明神宗題水天一色
本朝康熙十七年

聖祖御書激湍二字

戒壇寺 在府西西山最深處唐武德中建舊名

慧聚明正統間易名萬壽

本朝康熙十七年

聖祖御書清戒二字賜焉

按辛齋詩話西山巖麓無處非寺遊人登覽

類不過十之二三爾王子衡詩西山三百七
十寺正德年中內臣作何仲默詩先朝四百
寺秋日徧題名鄭繼之詩西山五百寺多傍
北邙岑其後增建益多難更僕數今止就耳
目所最著者標出餘不悉載

明因寺 在天壇北明天順中建中有釋貫休所
畫羅漢十六軸董其昌書佛成道記

慈源寺 在三里河南明正統初建成化中重修

天慶寺 在慈源寺西原遼永泰寺元至元壬申

重建明宣德中重修

安國寺 在天慶寺西明天順元年建

竹林寺 在宣武門外遼清寧八年楚國大長公

主捨私第爲之賜名竹林

長椿寺 在宣武門外西南明萬歷四十年孝定

皇太后建以居水齋禪師寺有滲金多寶佛塔

高一丈五尺

千佛寺 在德勝門北明萬歷初孝定皇太后建

廣恩寺 在德勝門遼爲奉佛寺在白雲觀西南

明正統間改建

真覺寺 在阜城門外明永樂中建成化九年詔

累石臺高五丈上列塔五各高二丈

雙林寺 在阜城門外二里明萬歷四年建

慈慧寺 在阜城門西二里萬歷八年蜀僧愚庵

創後有蜘蛛塔蜀太史黃輝有碑記其事

慈壽寺 在阜城門外八里莊明萬歷丙子爲慈

聖皇太后建賜名慈壽勅大學士張居正撰碑

有塔十三級又有寧安閣閣榜慈聖手書後殿

有九蓮菩薩像

定慧寺 在阜城門外八里莊西康熙年

聖祖勅建

廣通寺 在西直門外康熙年

聖祖勅建

御題匾額曰抱荃恩曰息心淨行曰慈燈普照凡三處

萬壽寺戒壇 在西直門外七里廣源闡之西明

萬歷五年建即唐聚慧寺寺懸永樂時所鑄大

鐘內書華嚴八十一卷名曰華嚴鐘

本朝康熙五十二年

聖祖勅修

御製碑文禁止採鑿煤窰勒石以垂不朽焉

應真寺 在西直門外舊名五塔寺康熙年重修

極樂寺 在西直門外高粱橋西三里元至元間

建

韋公寺 在左安門外二里明正德時常侍韋霏

建亦名弘善寺

法藏寺 在右安門外東南隅舊名彌陀寺金大

定中建明景泰二年改建今名北地多風故塔

皆實惟此寺彌陀塔可登

天寧寺 在廣寧門外元魏孝文時建名光林寺

隋仁壽間曰弘業寺建塔藏舍利唐開元中改

曰天王寺金大定中改大萬安寺明宣德中改

天寧寺正統中改萬壽戒壇今仍名天寧寺內
有塔高十三尋四周綴鐸以萬計音無斷絕
清梵寺在

暢春園東康熙年

聖祖勅建

御題匾額

溥仁寺在

暢春園西康熙五十二年

聖祖勅建

御製碑文以紀焉

恩佑寺在

暢春園東北隅雍正元年建

佛泉寺 在黑龍潭西舊名大覺寺雍正二年奉

勅重建

賜額佛泉

宏光寺 在香山明宣德中內侍鄭同建同高麗

人倣其國毘盧殿制作圓殿門內松徑盤折最
爲幽勝

本朝康熙年

聖祖御題匾額一曰慈雲常蔭一曰光明三昧

延壽寺 在韓家山明永樂時內臣剛鐵靖難葬此

顯應寺 俗呼皇姑寺明正統八年駕出紫荆關親征也光陝西呂尼叩馬諫而死及復辟乃爲建寺賜額保明寺

本朝康熙年

聖祖勅修

御製碑文勒石以紀

御題匾額曰杖泉花雨曰水心栢子曰挂衲翻經凡三處

香山寺 在宛平縣香山金大定中建明正統間

內侍范宏重修或云卽金章宗會景樓也山有祭星臺護駕松夢感泉皆章宗遺跡有二碑載遼中丞阿里吉捨宅始末左側有軒明神宗題曰來青軒

本朝康熙十六年

聖祖御書普照乾坤四大字後有藏經閣

聖感寺 在宛平縣平坡山上元建平坡寺明宣德中改名圓通

本朝康熙十六年

聖祖御題匾額一曰聖感一曰敬佛一曰制毒龍復

御製碑文以垂不朽

按緱山集由常明庵出杏子口至平坡寺所謂盧師清涼翠微善應靈光諸寺皆在焉

嘉禧寺 在宛平縣杏子口西又東三里有福田寺

潭柘寺 在宛平縣潭柘山相傳本青龍潭開山時青龍避去潭平爲寺燕人諺云先有潭柘後有幽州此寺之最古者天府廣記云卽晉之嘉福唐之龍泉寺也亦名岫雲寺

本朝康熙年

聖祖勅修

御賜匾額曰清淨莊嚴曰天王殿曰毘盧殿曰戒壇曰大

悲壇曰翠嶂丹泉曰香林淨土曰倚松恬澹曰

松竹清泉曰松竹幽清凡十處

華嚴寺 在宛平縣裂帛泉南左有洞曰翠華中

有石牀可憇息明正統中建

玉泉寺 在宛平縣玉泉山又西有補陀寺北有

金山寺

壽安寺 在宛平縣壽安山本唐堯率寺殿前有

二娑羅樹相傳來自西域元至治元年建中有

卧佛二亦名卧佛寺

棲隱寺 在宛平縣仰山金大定十二年建

昊天寺 在宛平縣西金大定四年建明正統四

年王振修改名隆恩寺

鷲峰寺 在宛平縣西城牆畔即唐淤泥寺鷲峰

者唐僧之號也有貞觀二十二年唐人所書心

經石刻尚存舊供旃檀佛相以異著聞元學士

程鉅夫有記今在

皇城內旃檀寺中

法雲寺 在宛平縣金山口二十里妙高峰下寺

有雙泉滙於方塘曰香水金章宗設八院之一

也草際有碑題香水院三字尚存

圓教寺 在宛平縣西城康熙年

聖祖御題匾額一曰日映金雲一曰真如境

宏恩寺 在良鄉縣康熙五十六年

聖祖御書匾額曰大願慈航復

御題七言律詩一首勒石以紀

壽因寺 在良鄉縣康熙五十七年

聖祖御書匾額一曰花臺止水一曰大悲慈航

天王寺 在良鄉縣治東南置僧會司於內

護國寺 在良鄉縣琉璃店東北

三佛寺 在固安縣治西置僧會司於內

龍泉寺 在固安縣知子營

精嚴寺 在永清縣北街置僧會司於內

三塔寺 在永清縣城外東南唐時建武后時石

幢尚存

隆慶寺 在永清縣西遼乾統九年建

定覺寺 在東安縣西北七十里常道鄉唐垂拱

三年賜額遼天慶間復建金大定元年重修

廣善寺 在東安縣治卽唐靈應寺明宣德中重

建正統十四年賜額

寧國寺 在東安縣留犢里金大定二年建

淨安寺 有二一在東安縣惠化鄉明宣德八年

建一在通州治東南金大定十三年建明萬曆

間修

廣嚴寺 在東安縣西邑人孟仕仲捨宅改創明

崇禎十四年修

本朝康熙十年重修

靈巖寺 在東安縣東北五十里鳳河之南金大

定五年僧洪寶建

隆興寺 在香河縣治西

本朝康熙八年重修

鐵佛寺 在香河縣東南

靖嘉寺 在通州治東舊名慈恩寺元至元二年

建明初置僧正司於內

佑聖教寺 在舊通州城內西北隅浮圖十三級

創於唐貞觀七年歷五代遼金元而始成爲州

之巨觀

寶通祿寺 在通州新城南門外明天順七年重

建賜額

太平寺 在通州新城西門外元至正時重修

給孤寺 在通州城東元至正間建

廣濟寺 在寶坻縣西街置僧會司於內

洪福寺 在寶坻縣平正橋西北古刹也層閣高

聳虬松遠蔭渠水經其前

香巖寺 在昌平州永豐屯舊名彌勒院

本朝康熙五十九年重建改今名殿中

聖祖賜額菩提二字復

御製碑記

勅侍讀王圖炳書以勒石焉

瑞光寺 在昌平州治後明成化十年建

神壽寺 在昌平州新城內

昭聖寺 在昌平州治西北唐乾符中建

普雲寺 在昌平州西北湯峪川遼天慶間建

香水寺 在昌平州西南漢建武五年建

上方寺 有二一在昌平州南一在州境駐驛山

上有十八盤

流沙寺 在昌平州鞏華城北門外元皇慶中建

遊覺寺 在昌平州漢中興時建

聖壽教寺 在昌平州東北唐乾符六年建

法華寺 在昌平州東北二十里銀山鐵壁之麓

一名大延聖寺金天會二年建明正統十二年重修

寶雲寺 在昌平州駐驛山

昭化寺 在昌平州南五十里玉泉山山麓泉石

清潔可愛

鐵壁寺 在昌平州銀山鐵壁下

龍興寺 在密雲縣北寺時建元大安中重修俗

名鎚塔寺明洪武十六年置僧會司於內

本朝康熙四十一年

聖祖賜額龍興寺

御書匾額廟前曰洛伽仙境正殿曰般若相真武閣曰神

武鎮

御書房曰橫翠凡四處

香巖寺 在密雲縣東二十五里元至正中建內

有銀杏一株俗名白果

大安寺 在密雲縣東北五十里舊名白猿院北

齊五年建金承安四年重修

普濟寺 有二一在密雲縣東北八十里遼天統

五年建清寧二年重修內有顯公和尚祠一在

霸州東門外元至正二年建置僧正司於內

觀雞寺 在密雲縣東北一百八十里霧靈山下

有觀雞仙人蹟

砥堂寺 在懷柔縣東八十餘里漢時建名曇泉

寺明正德己卯改今名

資福寺 在懷柔縣北十五里紅螺山麓舊名大

明寺金皇統初建明正統中重修

定慧寺 在懷柔縣北十八里山麓寺中建萬壽

齊天一塔今塔廢

福聚寺 在涿州北挾河村康熙五十四年

聖祖賜額六十年重修

勅內閣學士蔣廷錫撰文立石以紀

雲居寺 在涿州東北隅內有浮圖高二十餘丈

周圍三十餘步

智度寺 在涿州雲居寺前內有浮圖高二十餘

丈周圍三十步又一臺高二丈廣百五十步唐

時建碑刻尚存

普壽寺 在涿州東三里一名清涼寺內有浮圖

高十丈又一臺高二丈餘周圍二百步

延壽寺 在涿州北十里湖梁店明萬曆三十四

年僧道安建置僧正司於內

福勝寺 在房山縣東北明洪武間建置僧會司

於內

木巖寺 在房山縣西南十八里梁天監中建明

嘉靖中重修

上方寺 在房山縣南五十里卽兜率寺兩崖之

間鑿石爲磴攀絙而上山峰環列絕頂有泉如

斗汨汨不窮

寶巖寺 在房山縣瓦井村

雲居寺 在房山縣石經山下寺有唐開元十年

石浮圖銘開元二十八年山嶺石浮圖後記今
並存南麓卽西天寺塔下有石經窟其後則香
樹林

靈集寺 在文安縣莊頭村內有浴佛庵藏經閣
後有漢時古檜二株

興國寺 在文安縣柳河

觀音寺 在大城縣城內西北坊明正統中立僧
會司弘治己丑重修

海月寺 有二一在大城縣南四十里李坦鎮明
成化二十年建一在縣北十五里樓堤村明嘉

靖二十五年建

獨樂寺 在薊州治西始建未詳遼時重修中有
傑閣設十一面大士像

雲泉寺 在薊州城東南十里

香林寺 在薊州城北二里翁同鸞泉流峙左右
爲薊之最勝處

千像寺 在薊州北二十里九華峰下唐開元中
建於石上刻千像故名又名祐唐寺

雲罩寺 在薊州盤山之巔舊名降龍菴唐道宗
太師建明萬曆賜今名東嶺有舍利塔又有黃

龍祖師殿每歲除有佛燈之異
本朝康熙十七年

御書盤山秀峰四字

普濟寺 一名甘泉寺在薊州中盤唐太和中僧
曉芳結茅於此遼金元重修

本朝康熙中僧明德增葺

聖祖有事

園陵嘗駐蹕於此題詩中盤因勒石於殿左侍郎沈荃
碑記

感化寺 在盤山舊名寶積寺唐貞元中建明成

化年賜名廣濟寺

天成寺 在盤山唐建遼名福善寺

香水寺 在盤山唐建有盧綸碑記

雙峯寺 在盤山有石碣載唐貞觀中尉遲敬德

監造明萬曆中重修

雲靜寺 在盤山原名靜業菴

本朝康熙四十三年

聖祖勅賜為雲靜寺淨室內奉

御書清風二字

萬松寺 在盤山原名李靖菴

本朝康熙四十三年

聖祖勅賜為萬松寺

盤谷寺 在盤山即青溝禪院康熙十年僧智朴

建中有秋月堂侍郎沈荃書四十二年

聖祖勅賜為盤谷寺

正法寺 在中盤康熙年僧大博修葺殿前有

聖祖御書碑方丈

御書門外一峯四字

少林寺 在中盤元至元時建明成化嘉靖年修

本朝康熙年僧本住增葺

開仁寺 在熱河小南門康熙年

聖祖賜額

靜妙寺 在熱河藍旂營康熙年

聖祖賜額

安禪寺 在熱河十八里汰康熙年

聖祖賜額

星龕巖寺 在熱河小營康熙年

聖祖勅建大殿

御書星龕巖三字

峭壁寺 在熱河化育溝康熙年

聖祖御書匾額正殿曰天半香林八角亭曰森萬象

穹覽寺 在熱河哈喇河北康熙四十三年

聖祖賜額有

御製碑記近寺又有琳霄觀坊樓上

聖祖御題匾額一曰興州勝境一曰紫塞春臺

溥仁寺 在熱河河東康熙五十二年

聖祖賜額復

御製碑文勒石以紀

菩薩寺 在熱河廣仁嶺殿中有

聖祖御題匾額曰妙德慈光

臨泉寺 在平谷縣東高村東遼時建嘉靖二十

七年重修俗稱高村寺

香嵐寺 在平谷縣漁子山寨南二里金明昌三

年建明嘉靖二十四年重修俗稱獨波峪寺

慈福寺 在平谷縣山東莊西北十五里明正統

九年建正德四年重修俗稱山東寺

禪林寺 在遵化州五峯山殿角有碑剝蝕猶姚

秦時重修文也姚秦稱瑞雲山雲昌寺遼改今

名山畔懸石曰雞鳴石近寺古松夾徑極峯嶺

溪壑之勝

福泉寺 在遵化州西北唐貞觀年建今呼為湯

泉寺

資福院 在安遠門外康熙六十年

聖祖勅建

御製碑文以垂不朽

慈育院 在宛平縣

聖祖御題匾額一曰慈育羣生一曰鹿苑星龕

廣福禪院 在東安縣西北五十里金天會中建

大悲禪院 在東安縣閻家堡金天會六年修

石鐙菴 在府西南隅舊名吉祥寺明萬歷丙午

重修掘地得石幢式如鐙臺上刻唐人所書般

若心經一部改名石鐙菴

晉陽菴 在宣武門外有古銅大士像高三尺餘

下有款識云大唐貞觀十四年尉遲敬德監造

後移受水塘古佛菴菴壞移稽山會館

摩訶菴 在阜成門外八里莊明嘉靖丙午建

雀兒菴 在潭柘寺後金章宗彈雀於此即行幄

建菴

聖水菴 在遵化州南

清芳菴 在

圓明園東雍正元年

勅建

天仙廟 在

圓明園西雍正元年

勅建

玉皇廟 在宛平縣

聖祖御書匾額曰萬象同瞻

碧霞元君廟 在左安門外東南宏仁橋明成化

中建

按都人最重元君廟其在西直門外萬泉莊

者曰西頂康熙四十七年

聖祖勅修

賜額廣仁宮在永定門外者曰南頂在草橋者曰中頂在

東直門外者曰東頂在安定門外者曰北頂各

府州邑皆立祠祀遵化州景忠山元君廟

世祖勅修懷柔縣髻髻山元君廟康熙四十三年

聖祖御書匾額曰敷錫廣生五十二年復建玉皇閣

御書匾額曰清虛真宰俱有

御製碑文勒石以紀此外則涿州之北關春秋廟會男女

奔趨絡繹素稱最勝

龍尊王佛廟 在昌平州湯山中

聖祖勅建有

御製碑記

元靈宮 在

南苑順治年

世祖勅建

朝天宮 元之天師府也在府西明宣德間改建

凡大朝賀於此習儀

靈濟宮 在西長安門稍北明永樂十五年文皇

有疾夢二真人授藥疾頓瘳乃勅建祀封玉闕

真人金闕真人有英宗御製碑記

崇真萬壽宮 在府南蓬萊坊元至元中建賜額

俗名天師菴

靈佑宮 在府南山川壇後

昌運宮 在南直門外 御河橋南康熙五十二

年重修

瑞雲宮 在房山縣西北二十餘里金太祖陵側

今圯遺址尚存

隆陽宮 在房山縣西南石窩店南明時建

神樂觀 在天壇西南明永樂十八年建處樂舞

生之有事於郊廟者領以提點知觀隸太常寺

延祐觀 在府東明洪熙七年建

崇禎觀 在府正東坊明內監張政捨宅改建正

統十四年賜額

清虛觀 在府北日中坊明景泰二年建相近有

廣福觀

五嶽觀 有二一在府北明宣德中建一在文安

縣東

白雲觀 在府西南西便門外舊名太極宮金時

建太祖聞東萊邱處機有道行召對皆敬天愛

民之言太祖嘉納之命居於此改名長春宮明

正統間重修改今名都人正月十九日致醮祠

下謂之燕九節

聖祖賜額曰紫虛真氣曰大智寶光曰駐景長生日琅簡

真庭凡四處

玉虛觀 在府西北十五里明正統時總兵石亨

捐建

靈應觀 在玉泉山東南依崖壁間為之前累石

為臺臺下甃方池池上有小室揭曰靈淵又前

有小溪環抱景最幽奇

佑民觀 在通州張家灣內有玉皇閣明嘉靖十

四年從道官周從善請賜觀名佑民閣曰錫禧

慶峯觀 在密雲縣南元時建明洪武十六年道

人郭東峯重修

清都觀 亦名洞真觀在密雲縣西北十里金大

安二年道士杜宗道建元至元時改為洞真宮

明洪武二十二年置道錄司居者百餘人

霞峯觀 在密雲縣西四十里元初道士魏志和

建元佑五年周道昌重修

棲雲觀 在薊州盤山紫峯下爽塏明秀號曰中

盤

延祥觀 在平谷縣東北二十里元至元中邱長

春過此觀中有枯栢捫之復榮

永平府

隆教寺 在府城南一里明洪武初僧吉巖建景

泰五年勅賜寺額

本朝順治六年都御史蔡士英重修規模壯麗為永

平第一名刹

開元寺 在府城南臺山上明永樂七年僧洪聲

建弘治中僧本玉重修

白雲寺 在府城北三十里安山元時建明正統
間重修勅賜寺額

白塔寺 在府城西八里元時建

宣覺寺 在遷安縣東金時建設僧會司於內

清寧寺 在遷安縣南十五里金時建明正統十
年重修

聖泉寺 在遷安縣南龍泉山以禱雨有應而名

大雲寺 在遷安縣西南唐時建中有大松生於

石井

金山寺 在遷安縣西北金山下臨灤水晚霞掩

映色如浮丹

開福寺 在遷安縣北明宣德中建

松棚寺 在遷安縣之白道子嶺有古松蔭畝許

故名

秋月寺 在撫寧縣北天馬山西嶺上明嘉靖中

建山舊無泉邑人楊爾祚創僧舍鑿井得泉有

三魚純白立石紀之

金峰寺 在撫寧縣北明正統四年建

望海寺 在撫寧縣東南五十里山崖傍鑿有佛

像三

雲崖寺 在撫寧縣東北五十里臥龍灘之濱

崇興寺 在撫寧縣山海關西北

溫泉寺 在山海關西三十五里有溫泉因名

源影寺 在昌黎縣治西北二百步不知所始中

有塔有井井在塔下其水獨重而甘

道者寺 在昌黎縣西北道者山

休涼寺 在昌黎縣北仙人臺西上水巖有天池

冬夏不竭

仙化寺 在昌黎縣北上水巖前井兒峪松柏若

海濤萬頃其突如盤谷群峰環之

寶峰寺 在昌黎縣北八里俗名水巖寺有唐佛

頂尊勝幢記開元灌頂國師不空奉詔譯遼保

寧元年立石

廣福寺 在灤州南門外金大定中建

法寶寺 在灤州南十里遼時建

蓮臺寺 在灤州南二十里唐時建

白馬寺 在灤州南二十里金大定中建

延慶寺 在灤州南三十里唐時建

清水興國寺 在灤州南五十里元至正中建

勝巖寺 在灤州南五十里元至順中建

雲居寺 在灤州西南四十里金大定中建

畢家寺 在灤州西南七十里遼乾統中建

壽聖寺 在灤州西南八十里元至正中建

洪覺寺 在灤州西南九十里金大定中建

魯家灣寺 在灤州西南一百里唐時建

華巖寺 在灤州西五十里遼壽昌中建

魏峰山寺 在灤州西五十里金時建

西套里寺 在灤州西七十里遼壽昌中建

黃土院寺 在灤州西七十里

風山寺 在灤州西八十里遼時建

興福寺 在灤州西九十里金大定中建

興國寺 在灤州西一百十里唐時建

薦福寺 在灤州西北金時建古松二株枝幹連

屬其下可坐百餘人

偏涼寺 在灤州北五里橫山東明景泰中建其

寺山水環注林壑幽勝

福巖寺 在樂亭縣西北隅元至元中建

隆迴寺 在樂亭縣西南四十里唐貞觀中建

鶴天寺 在樂亭縣西南二十里元至元中建

靈澤寺 在樂亭縣西二十五里金明昌中建

淨業寺 在玉田縣置僧會司於內

觀音寺 在玉田縣東八里獨樹莊相傳建自唐時西南隅有酸棗一株大數十圍枯而復榮歷久愈茂至今結實離離然

天宮寺 在豐潤縣西南三里遼清寧初建有塔一十三級初名南塔院壽昌三年賜額極樂院金與宋修好行府悉寓於此天會五年勅加天宮寺

本朝康熙二十三年重修

弘法寺 在豐潤縣治西唐顯慶元年建明初有

古鐘甚大自還鄉河流下居民取之建樓懸之今置僧會司於內

甘泉寺 在豐潤縣北二十里元至正中修

觀雞寺 在豐潤縣北四十里寺內大堂可容千僧

翠峰寺 在豐潤縣北五十里水潞村金貞祐初建中有二石柱雕八龍天將雨龍頭晶晶有水珠居民遇歲旱輒往占候

通明宮 在遷安縣東三里元時建明景泰中千戶侯賀增修弘治中道士金得長薛洞庭重修

音車通志卷之五十一
三
棲雲宮 在遷安縣西三十里唐貞觀時建

紫陽觀 在府治東南

昊天觀 在遷安縣東南隅明洪武初道士楊柏

川建萬曆間指揮彭萬里重修設道會司於內

上清觀 在遷安縣西北一百里宋時建

尋真觀 在撫寧縣北二十里桃花峪內有紫霞

洞小蓬萊閣每花時游觀者無虛日

保定府

永寧寺 在府治南元中統二年建貯佛經五百

卷

清覺寺 在府治東南元至元間建置僧綱司於

內

崇慶寺 在府城北關外元至正中建東廡下有

大槐可十圍元時所植

淨土寺 在府治西創建無攷

靈雨寺 在府治西關外

延慶寺 在清苑縣東間村漢永昌中建

壽聖寺 在清苑縣百塚村北齊建原額智雲宋

改今名

大覺寺 在滿城縣北金天會中僧圓宗為菴奉

母大定間拓爲功德院明洪武初易名曰寺置僧會司於內

石佛寺 在滿城縣南唐貞觀中建

環山寺 在滿城縣北元至元中建

龍泉寺 在滿城縣東故老相傳建自隋唐四無

牆垣古木森列後有雞距泉右有紅花泉上通一畝泉河水環繞爲游賞勝地

聖教寺 在滿城縣西抱陽山下隋時寶教院也

唐張說增修

定惠寺 在滿城縣抱陽山上隋開皇中建唐大

曆中始成左有精舍上有寶坊

興國寺 在安肅縣東明洪武時建置僧會司於內

永安寺 在安肅縣高林營內貯藏經一部

鐵瓦寺 在定興縣南四十里明正德九年僧高

德真建屋瓦羅漢皆鐵冶故名

永傳寺 在定興縣東江村明楊繼盛讀書處

萬壽寺 在定興縣西江村明鹿善繼講學於此

禪室皆寓生徒僧行亦尙儒雅書聲達旦者三

十年

沙邱寺 在定興縣石柱村明天啓六年地震柱頂上石落地一夜完好如初人皆以為神力

開善寺 在新城縣城內東南隅

興福寺 有二一在新城縣東十五里一在新城

縣西五里

聖壽寺 在唐縣東關唐龍朔中建

風山寺 有二在唐縣西唐河畔一在山上

一在山麓金大定中建

法果寺 在唐縣西寺前有塔唐垂拱中建高數

十丈

靈源寺 在唐縣北靈源山唐上元二年建

甘露寺 在唐縣北馬耳山前相傳有石曰烏曰

二禪師居此

延禧寺 在唐縣東南隅明萬歷間勅建一名十

方院

醴泉寺 在唐縣西南

宛陀寺 在唐縣西北父子山南

柏巖寺 在唐縣西北柏巖山下有柏巖禪師詩

竝賈島詩刻石

靈光寺 在博野縣東南宋村唐高宗建塔賜名

明洪武中重建

彌陀寺 在博野縣西金大定間建

雲巖寺 在博野縣西北明洪武中建寺中有古柏

壽聖寺 在慶都縣治西明洪武中建

天寧寺 在完縣南舊有寶塔明初塔壞王淮增修之名天寧寺置僧會司於內

崇光寺 在完縣北唐貞觀中建內有方石長三尺面皆黃雲識者言中有美玉明易州道以百人取之不能動今仍存

白馬寺 在完縣東八里創建無攷隋孔德紹有遊北平白馬寺詩

演法寺 在完縣西寺北有大悲山層巒聳翠南有筆架山青峰插天中建道場規模壯麗寺外泉潺潺石峽關鎖爲西山第一叢林

稽古寺 在完縣西十六里唐開元中安國侯陳思傑因三藏法師元奘葬母骨於此建寺名寄骨後有三藏舍利塔明天順間重修易名稽古寺

法雲寺 在完縣城內東北隅城垣圍繞古木森

列西臨蓮池幽靜絕塵

太子菴 在完縣伊祁山山有龍潭世傳梁昭明

太子得道處成化時僧通玉建

雙泉寺 在完縣西北小黃峪村周圍山列如屏

寺畔雙泉噴湧故名創建無攷明嘉靖中重修

寶寧寺 在蠡縣治西南隅元至元二年建明洪

武二年重修成化間重修有鐵佛一尊高二十

四尺獅子長十八尺

上清涼寺 在蠡縣西南元至元中建

臺頭寺 在東鹿縣治西北元泰定中建

珍珠寺 在東鹿縣舊城創建無攷

本朝順治十八年重修置僧會司於內

永慶寺 在東鹿縣北宋皇祐五年建

天寧寺 在安州治北後魏時建元廢明宣德中

重建

古塔寺 在安州邊吳村後魏時金衣僧人建

昊天寺 在安州會家村隋唐古刹明宣德間重

修

興德寺 在高陽縣孟仲峯宋熙寧時建明洪武

中重修

楞嚴寺 在高陽縣趙通村有淨圖宋宣和中建

明宣德中重修

天雲寺 在高陽縣季郎鄉元至正間建明正統

中重修其經始時有慶雲見天際因以名寺

開元寺 在高陽縣東舊城隋大業間建

金山寺 在高陽縣東二十五里唐開元中建明

正統成化間相繼重修

福興寺 在高陽縣東南四十里宋祥符中建

壽恩寺 在高陽縣東南二十五里宋咸平間建

明正統中僧文澄重修

淨業寺 在新安縣西十八里唐大德七年建即

古三臺城遺址明宣德六年重修

保安寺 在新安縣北明隆慶中建有塔高數十

丈

靜念寺 在新安縣西北金章宗元妃香火院明

宣德間重修

沛恩寺 在新安縣康熙年

聖祖賜額

五龍宮 在蠡縣城西隅前有池名聚龍池

北極層觀 在安肅縣故遂城北宋楊延朗建延

祐間重修左置臨瀑亭

天慶觀 在安肅縣東北宋祥符時修

建福觀 在定興縣百樓村其地卽漢公孫瓚避

世築城以自固者由唐及宋遺址猶存金始爲

道院

聚仙觀 在定興縣東唐開元時建

九陵觀 在唐縣西七十里葛洪山前宋政和元

年建

玉華觀 在唐縣西十五里

本朝順治三年重修

老人觀 在祁州東南志載宋時定州王老深州

趙老晉州李老趙州馬老祁州馮老五人創造

殿宇以生鐵鑄瓦梁棟繪五綵因名

河間府

資勝寺 在府治東明洪武中因舊重修

金剛寺 在府城興義坊今惟塔存

潮海寺 在府城西北二十五里台頭村唐貞觀

中建

景夢寺 在府城西北大同衛東塔在民舍中元

至元間建

福泉寺 在獻縣治西明洪武初建永樂三年重修

白鶴寺 在獻縣又名白馬寺唐沈佺期有樂成白鶴寺詩

勝業寺 在阜城縣西南明洪武中建

金燈寺 在阜城縣東北

能仁寺 在肅寧縣治東明永樂間建

福田寺 在肅寧縣東南二十里

度釋寺 在任邱縣西漢時建明嘉靖甲午移城

中



水月寺 在任邱縣石門營唐時建

青雲寺 在任邱縣西大務金大定間建

開元寺 在任邱縣鄭城東南唐開元間建

興化寺 在交河縣西北唐貞觀初建明洪武間

重建正統初重修又東北有興華寺福海寺

化城寺 在交河縣薛家窩地方

本朝康熙四十二年

聖祖賜額

寶林寺 在寧津縣東

龍泉寺 在寧津縣治東北舊名海螺寺明洪武

年建

開福寺 在景州治西北明洪武中建前有古塔

隋文帝造

安興寺 在景州孫家鎮

大乘寺 在吳橋縣治西南明宣德年建

天臺寺 在吳橋縣北

燈明寺 在東光縣東

普照寺

一名鐵佛寺

在東光縣西南隅明永樂中建

有鐵佛長二丈五尺圍一丈五尺

天津府

海光寺 在府南關康熙四十四年建初名普陀

寺五十八年

聖祖賜額今名殿內

御書隨處潮音四字匾額官商捐金修葺殿宇弘敞四圍

植柳萬株

孤雲寺 在府城外舊名白廟

本朝康熙四十八年

聖祖賜額曰孤雲寺

湧泉寺 在府南門內

望海寺 一在府城外河北岸一在利民場畢孟

鎮西二十里一在越支場宋家營西北三里一
在濟民場

興國寺 在青縣故興濟縣東南一里明宣德九
年僧悟諒創建

洪音寺 在青縣東北

觀音寺 在青縣古城明宣德成化年修

湧泉寺 有二俱在靜海縣一在大直沽一在小

直沽明成化渡此宣宗征樂安州渡此錫金幡

二

桃灣寺 在靜海縣東南

開元寺 在舊滄州城內有鐵獅子相傳周世宗

時有罪人鑄以贖罪今寺廢獅亦殘缺

水月寺 在滄州西南周廣順中建明宣德中移

建州北五里正統中建千佛閣嘉靖中於閣下

鑄大佛三尊高丈八尺

封禪寺 在滄州城內周廣順三年張藏英來歸

太祖令館於封禪寺

興化寺 在南皮縣治東北隅明天順五年建

福泉寺 在鹽山縣大南門內偏東明洪武間建

寺前有井甘而冽故名舊在小南門外弘治間

移建今處

玉佛寺 在慶雲縣內有玉彌勒二像法相莊嚴

一為北齊天保八年造一為武平六年造

天宮寺 在慶雲縣西南隅唐太和中建

靈慈宮 在府河東元至元間建

崇真宮 在青縣故興濟縣東宏治十一年勅建

天妃宮 在靜海縣宋宣和中遣使高麗中流遭

風賴神以免使者歸上其事於朝詔立祠有丘

濬碑記

朝陽觀 在府城內

丹陽觀 在府治西南

太虛觀 在府東南明成化間建

永保觀

一名昊天觀

在滄州南關明萬歷年原設運

學後改今觀

學府如令歸

永裕縣

分吳

亦會南關

太淑縣

亦會東南

畿輔通志卷之五十四

